

Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-539-8/23

Datum: 20.03.2024. godine

«Agencija za vodno područje rijeke Save» Sarajevo rješavajući po zahtjevu pravnog lica JP „Vodovod i kanalizacija“ d.o.o. Zenica za donošenje rješenja o prethodnoj vodnoj saglasnosti za izgradnju fekalnog kolektora za prikupljanje otpadnih voda na području Bojin Vir-Raspotočje-Drivuša, Grad Zenica (javno vodno dobro-rijeka Bosna), a u postupku pribavljanja urbanističke saglasnosti i okolinske dozvole, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

o prethodnoj vodnoj saglasnosti

1. JP „Vodovod i kanalizacija“ d.o.o. Zenica daje se prethodna vodna saglasnost za izradu projektne dokumentacije za izgradnju fekalnog kolektora za prikupljanje otpadnih voda na području Bojin Vir-Raspotočje-Drivuša (javno vodno dobro-rijeka Bosna), a u postupku pribavljanja urbanističke saglasnosti i okolinske dozvole.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Izraditi investiciono tehničku dokumentaciju potrebnu za pribavljanje vodne saglasnosti za predmetnu aktivnost na nivou glavnog projekta. Dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 2.2. Projektnom dokumentacijom dati tehničko rješenje polaganja dijela kolektora u vodnom dobru sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Bosnu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog dijela kolektora.
 - 2.3. Kanalizacioni kolektori kao i objekti na trasi (reviziona okna, pumpne stanice i sl.) treba da budu projektovani od vodonepropusnog materijala, kako bi se isključila mogućnost zagađenja podzemnih i površinskih voda te okoliša generalno.
 - 2.4. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za minimiziranje, odnosno sprječavanje tih uticaja.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
4. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti
 - 5.3. Rješenje o okolinskoj dozvoli
Saglasnosti od operatera infrastrukturnih objekata ukoliko se trasa kanalizacije ukrštava s istim ili se nalazi u pojasu predmetnog infrastrukturnog objekta.
 - 5.4. Dokaz o izvršenoj uplati upravne takse u iznosu od 60 KM
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, JP „Vodovod i kanalizacija“ d.o.o. Zenica obratilo se ovoj Agenciji sa zahtjevom za izgradnju fekalnog kolektora za prikupljanje otpadnih voda na području Bojin Vir-Raspotočje-Drivuša (javno vodno dobro-rijeka Bosna), a u postupku pribavljanja urbanističke saglasnosti.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-23-001977 od 20.07.2023. izdatog od Općinskog suda u Zenici;
- Ovjerena kopija Uvjerenja o poreznoj registraciji izdato od Porezne uprave - Kantonalni porezni ured Zenica od 15.03.201. godine;
- Prilog o lokaciji planiranog fekalnog kolektora za prikupljanje otpadnih voda na području Bojin Vir-Raspotočje-Drivuša, Faza II;
- Mišljenje o usklađenosti trase planiranog fekalnog kolektora sa Prostornim planom grada Zenice 2016-2036;
- Studija za izdavanje prethodne vodne saglasnosti za izgradnju fekalnog kolektora Bojin Vir – Raspotočje – Drivuša, urađen od strane „Zavod za vodoprivredu“ d.d. Sarajevo, januar 2024. godine;
- Izvod iz prostornog plana grada Zenica 2016-2036,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 21.02.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 23.02.2024. godine u dnevnom glasilu «OSLOBOĐENJE».

Na osnovu uvida u dostavljenu dokumentaciju utvrđeno je sljedeće:

Tehničko rješenje je definisano na način da se otpadne vode prikupljaju kolektorima i odvođe na postrojenje za prečišćavanje otpadnih voda. Kolektori su razvrstani po dionicama i zasebnim projektnim mjerama (PM).

Ova prethodna vodna saglasnost se odnosi isključivo na projektnu mjeru PM5 - Izgradnja novog kolektora Drivuša - Bojin Vir.

U sklopu projektne mjere 5 (PM5), predviđena su dva kraka kolektora:

- glavni kolektor za prikupljanje sanitarno-fekalnih otpadnih voda - kolektor "A"
- sekundarni kolektor za prikupljanje sanitarno-fekalnih otpadnih voda - kolektor "B"

Ukupna dužina kolektora „A“ iznosi 6.493,06 m, s tim da se u sklopu ove projektne mjere izvodi ukupno 5.044,02 m. Na ovom kolektoru predviđena je izgradnja 4 prepumpne stanice: PS1, PS2, PS3, PS4.

Ukupna dužina kolektora „B“ iznosi 1.575,11 m. Na ovom kolektoru predviđena je izgradnja jedne prepumpne stanice, PS6.

Nakon uvida u dostavljenu dokumentaciju te na osnovu utvrđenog činjeničnog stanja, utvrđeno je da, shodno članu 12. stav (1) tačka 1. i stav (2) Zakona o vodama a u vezi sa članom 16. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju fekalnog kolektora za prikupljanje otpadnih voda na području Bojin Vir-Raspotočje-Drivuša, pod određenim uslovima, pa je rješenje kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5., članom 10. stav (3) i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.


Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.



Dostaviti:

- JP „Vodovod i kanalizacija“ d.o.o. Zenica, ul. Bistua Nuova 17, Zenica 72000
- ⊙ AVP Sava, ISV-vodna knjiga
- Sektor 40 – arhiva
- Oglasna ploča AVP Sava